

NAROD I PRAVDA

Zastupnik Vedran Jakupović

Zastupničko pitanje

Ministarstvo za obrazovanje, nauku i mlade

Kako je moguće da jedna škola, Gimnazija Obala Sarajevo, u kojoj postoji oblik inkluzivnog obrazovanja šalje zahtjeve Ministarstvu za obrazovanje nauku i mlade za uključivanje asistenta u nastavi samo pisanim putem više od osam puta za pomoć, a da ministarstvo ne reagira?

OBRAZLOŽENJE

U Gimnaziji Obala Sarajevo, od školske 2017/2018. godine, nastavu pohađa učenik sa težim oblikom Down sindroma. Iako su iz škole u više navrata Resornom ministarstvu upućivali zahtjeve za uključivanje asistenta u nastavi (3.10.2017. godine, 6.12.2017. godine, 28.3.2018. godine, 27.6.2018. godine, 25.4.2019. godine, 28.6.2019. godine, 3.9.2019. godine, 17.10.2019. godine), a i mimo činjenice da učenik ima kako zakonsko, medicinsko tako i ljudsko pravo na asistenciju, školi nije udovoljen zahtjev.

Resorno ministarstvo je samo jednom dalo saglasnost za angažovanje asistenta broj 11/03-34-32481/19 tek u trećem razredu i to 13.9.2019. međutim, apsurdno školi nije data saglasnost za provođenje Javnog konkursa za ovo radno mjesto.

Obavještenjem broj 11-34-25286-177-1/19 od 15.11.2019. godine se konstatuje da je za dobivanje saglasnosti za raspisivanje javnog konkursa za navedenu poziciju prethodno nužno dobiti saglasnost Vlade Kantona Sarajevo. Što je mimo svaka prakse, jer saglasnosti daje isključivo resorna ministrica.

Sarajevo 11.12.2019.

Vedran Jakupović